



Inatsisartuni ilaasortaq Naaja H. Nathanielsen, Inuit Ataqatigiit

TAKANNA

Ujaqqanik pinneraasiassanut immikkoortorta qarfik pillugu § 37-mi apeqqut 2013-240-miittunut akissutit

12-12-2013
Sags nr. [Sagsnr.]
Dok. nr. [Dokumentnr.]

Inatsisartut suleriaasianni § 37 naapertorlugu Ujaqqanik pinneraasiassanut immikkoortorta qarfimmuut tunngatillugu Naalakkersuisunut ataani apeqqutinik saqqummiussaqaarsimavutit, matumuuna akissute qarfigineqartunik.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

- 1. Piffissami killilimmi 2015-2018-imi ujaqqanik pinneraasiassanut immikkoortorta qarfimmik pilersitsinissamut Naalakkersuisut 13,8 millioner koruuninik atuissamaarput. Taakku 13,8 millioner koruunit ujaqqanik pinneraasiassanut immikkoortorta qarfimmuut pilersinneqassamaartumut tamarmik ator neqassappat imaluunniit immikkoortorta qarfimmuut aningaasartuutissat ilaannik True North Gems Naalakkersuisut akileeqataatinniassamaarpaat?**

Akissut: True North Gems Inc. (TNG) oqartussaasunit suliarinninnermut aamma atuisinnaanermut akuersissutip nalaanut atatillugu aningaasartuutinik akiliisussaassaaq. 13,8 millioner kronit aningaasartuutinut TNG-mit akiliutigineqassasutut naatsorsuutiginniganut matussutaasussaapput. Ujaqqanik pinneraasiassanut immikkoortorta qarfik tassaavoq Kalaallit Nunaanni tunisassiorfimmuut nutaarluinnarmut ilisimasanik piginnaasanillu ineriartortitsivik. Ujaqqanik pinneraasiassanut immikkoortorta qarfiup TNG-ginnaq isumagissanngilaa, aammali ujaqqat pinneraasiassat allat, piffissap ingerlanerani nunatta karsianut isertitsiviusinnaasut.

- 2. True North Gems atuisinnaanermut akuersissummik tunineqassappat piffissami killilimmi 2013-2018-imi ujaqqanik pinneraasiassanit Nunatta Karsia qanoq amerlatigisunik isertitaqassangatinneqarpa?**

Akissut: TNG atuisinnaanermut akuersissummik tunineqassappat isertitassat aatsaat aatsitassarsiorfiup ingerlanneqarnerata nalaani Nunatta karsianut isissapput. Inuiaqatigiinnut tunngatillugu piujuartitsinissamik (VSB-mik) TNG-p naliliinera malillugu akileraaruteqarnermut periarfissaasinnaasunik assigiinngitsunik tallimanik tulleriaarisooqarpoq. Tamakkiisutut sunniuteqartitsisutut akileraartarnermut isertitat (Government Take) nunatsinnit rubinit pitsaassusaannik ussasaarutigineqarnerinillu aalajangerneqarput. Aatsitassarsiorfiup atanerani tamarmiusumi Nunatta karsia Government Take-imi DKK 90 million-iniit DKK 450 million-inut isertitsinnaanera naatsorsuutigineqarsinnaavoq, TNG-p VSB-a malillugu. Taakku saniatigut TNG-p suliniutaa nunatsinni inuussutissarsiorfiusumik annertusisamik piumasaqarnermut ilorraap tungaanut ilaqartitsissaaq. Tamanna nunatsinnit pilersuisooqataasunit akileraarutinik a-nik/ingerlatseqatigiiffinnut

akilerarutinin isertitat annertuseriarnerannik nassataqartitsissaaq, tamanna nunatta karsianut iluaqutaassalluni.

- 3. True North Gemsimut, London Miningimut, GME-ip suliniutaanut aammalu Aatsitassarsiornermi Aningaasaateqarfik pillugu 2013-imi Inatsisartut ukiakkut ataatsimiinneranni aalajangersagaliarinqartunut nutaanut ilimasunnerit tunngavigalugit piffissap killillip 2013-2018-ip iluani Aatsitassarsiornermi Aningaasaateqarfiup atortuulersinneqarnissaa piviusorsiorpaluttuaa?**

Akissut: Suliniutini apeqqutigisanni marluk sulit atuisinnaanermut akuersissummik tunineqarsimangillat. Atuisinnaanermut akuersissuteqareermermi ingerlatseqatigiiffiit suliniutiminnut nalinginnarmik aningaasaliissutissat inaarsariartortarpaat. Tamatuma saniatigut aatsitassanut inatsimmi §§ 19, 43 aamma 86 najoqqutaralugit sanaartornissamut ingerlatsinissamullu akuersissutit il.il. nalunaarutigineqassapput. Taamaalilluni aatsitassarsiorluni suliniutit tunisassiornermik aallartinneqarfissaannut inaarutigalugu piffissalersuutit aalajangersarneqarsinnaangillat. Taamaattorli qulaani taaneqartut piffissaliussap iluani aatsitassarsiornermik tunisassiornerup aallartissimanissaanut periarfissaqarluarpoq, taamaattumillu piffissami tassani aatsitassarsiornermi aningaasaateqarfimmut inatsit atuutsilersimasinnaalluni.

Inussiarnersumik inuulluaqqusillunga


Jens-Erik Kirkegaard